



## Te aroturuki i ngā wāhi whakarau

### He aha te Kaitiaki Mana Tangata i aroturuki ai i ngā wāhi whakarau?

I te tau 2007 i whakamanatia e te Kāwanatanga o Aotearoa tētahi whakaaetanga o te Kotahitanga o ngā Whenua o te Ao e kīia ana ko te 'Optional Protocol to the Convention Against Torture and Other Cruel, Inhuman or Degrading Treatment or Punishment', ko te OPCAT te whakapotonga.

Ko tā te whakaaetanga nei he āwhina i ngā whenua ki te whakatutuki i ō rātou takohanga i raro i ngā ture ā-ao ki te kaupare i te whakamamae me te ruperupe whakawiri i ngā wāhi whakarau.

Ko te whāinga o te whakaaetanga he whakatū i tētahi pūnaha o ngā toronga riterite tonu ki ngā wāhi whakarau mā tētahi whakahaere ā-motu motuhake.

E kīia ana tēnei whakahaere ko te Tikanga Aukati ā-Motu, te TAM rānei.

### Te tūmahi a te Kaitiaki Mana Tangata

#### **Ko te Kaitiaki Mana Tangata te Tikanga Aukati ā-Motu mō:**

- ngā whare herehere me ngā heremanga kōti
- ngā whakaurunga whakarau manene
- ngā wāhi whakarau mō te hauora me te hauā
- ngā whare noho tiaki me te whakamaru tamariki
- ngā whare noho matatika taiohi.

Ko tā mātou he aroturuki i ngā āhuatanga o te whakarau me te tiaki o ngā tāngata e whakaraua ana, me te whakatakoto tūtohu mō te whakapai ake i ēnei.

Ka āwhinatia te Kaitiaki Mana Tangata e ngā kaitirotiro ka toro atu i ngā wāhi whakarau.

Ka āhei atu mātou ki ngā wāhi whakarau hāngai katoa, me ngā tāngata katoa e whakaraua ana.

Kei a mātou anō te tikanga ki te whakarite i te wā me ngā wāhi hei toro, me ngā tāngata hei kōrero atu mā mātou.

---

## Ngā mea ka tirohia e te Kaitiaki Mana Tangata

- Te tiakitanga. Hei tauira, ngā whakapae o te ruperupe, te whakataratahi tangata, te tūkino, te whakaita rānei.
- Ngā tikanga whakamaru. Hei tauira, ngā pārongo mā te hunga whakarau, ngā tukanga amuamu, ngā rēhita me te tuhituhi pūkete.
- Ngā āhuetanga kikokiko. Hei tauira, ngā whakaurunga me ngā āhuetanga noho.
- Ngā ngohe. Hei tauira, te whakapā tonu ki te whānau me te ao ā-waho, ngā korikori tinana i waho, te mātauranga me ngā mahi hākinakina.
- Te āhei ki te tiaki hauora.
- Ngā kaimahi. Hei tauira, te tokomaha, te whanonga me te whakangungu.

---

## Ētahi Atu Tikanga Aukati ā-Motu

- Mō ngā tāngata e whakaraua ana e Ngā Pirihimana o Aotearoa, whakapā ki te Mana Whanonga Pirihimana Motuhake: 0800 503 728 īmēra: [enquiries@ipca.govt.nz](mailto:enquiries@ipca.govt.nz).
- Mō te tiaki me te whakamaru tamariki, me ngā whare noho matatika taiohi, whakapā ki te Kaikomihana Manaaki Tamariki: 0800 224 453 īmēra: [children@occ.org.nz](mailto:children@occ.org.nz).
- Mō ngā whare whiu o Te Ope Kātua o Aotearoa, whakapā ki te Kaitirotiro o ngā Whare Whiu o Te Ope Kātua: 04 498 6824 īmēra: [robert.bywater-lutman@nzdf.mil.nz](mailto:robert.bywater-lutman@nzdf.mil.nz).
- Ko te Kāhui Tika Tangata te Tikanga Aukati Pūwaenga ka ruruku i ngā mahi a ngā Tikanga Aukati ā-Motu: 0800 496 877 īmēra: [infoline@hrc.co.nz](mailto:infoline@hrc.co.nz).

---

## Te whakapā ki te Kaitiaki Mana Tangata

**Waea koreutu: 0800 802 602**

**[www.ombudsman.parliament.nz](http://www.ombudsman.parliament.nz)**

**Īmēra:**

[info@ombudsman.parliament.nz](mailto:info@ombudsman.parliament.nz)

**Mēra:**

Pouaka Poutāpeta 10152, Te Whanganui-a-Tara 6143

**Waeatuhi:**

(04) 471 2254

**Ngā uiui ki te tari:**

8:30 i te ata ki te 5:00 i te ahiahi, Mane ki te Paraire

**Te Whanganui-a-Tara**

Papa 14, 70 The Terrace, Te Whanganui-a-Tara 6143

**Tāmaki Makaurau**

Papa 10, 55-65 Shortland Street, Tāmaki Makaurau 1010

**Ōtautahi**

545 Wairākei Road, Harewood, Ōtautahi 80533